

御纂醫宗金鑑卷十一

編輯外科心法要訣目錄

脛部

三里發

腓膈發

黃鰓癰

青蛇毒

接骨發

附陰疽

內踝疽

外踝疽

穿踝疽

濕毒流注

附瓜藤纏

腎氣遊風

臙瘡

鱗漏

四彎風

風疽

足部

足發背

湧泉疽

脫疽

敦疽

甲疽

足跟疽

厲癰

四淫

臭田螺

牛程躄

土栗

冷疔

脚氣瘡

田螺炮

肉刺

御纂醫宗金鑑卷十一

編輯外科心法要訣

三里發圖

三里醫家眼下手初生如牛眼共色青黑者皆同



脛部


三里發

三里發腫牛眼形膝眼之下冷痛凝勞力傷筋兼胃熱腫色青
黑紫血膿

註

此證生膝眼下三寸外側前廉兩筋間初腫形如牛眼拘
急冷疼由勞力傷筋胃熱凝結而成漸增腫痛其色青黑
潰出紫血次出稀膿內外治法俱按癰疽腫瘍潰瘍門

腓 肭 發 圖



腓肭發生腿肚正中左右皆同

腓肭發

腓肭發在小腿肚憎寒煩躁積熱成痼腫痛潰膿血吉漫腫平

塌清水凶

註

此證發於腓肭卽小腿肚也由腎水不足膀胱積熱凝結

而成古方云不治若焮赤高腫疼痛潰出正膿而兼血者

吉爲順或漫腫平塌紫暗響痛潰出清水者凶爲逆初服

仙方活命飲潰服八珍湯氣血虛者服十全大補湯下虛

者以桂附地黃丸補之外治法同癰疽潰瘍門

仙方活命飲

見腫瘍門

八珍湯

十全大補湯

俱見潰瘍門

桂附地黃丸

見面部頰瘍

黃

鮓

癰

圖



黃鮓癰腫在腹側長數寸紅腫形如泥鮓左右皆同

黃鯁癰

黃鯁秋雁生腿肚旁疼痛硬腫若鯁長肝脾濕熱微紅色順出稠膿逆敗漿

註此證生在小腿肚裏側疼痛硬腫長有數寸形如泥鯁其

色微紅由肝脾二經濕熱凝結而成應期潰破出稠膿者為順若出污水敗漿者屬逆初服五香流氣飲其次內外

治法俱按癰疽腫瘍潰瘍門

五香流氣飲

金銀花二兩

小茴香

殭蠶炒

羌活

獨活

連翹去心

栝蒌仁

錢

藿香

五錢

丁香

二錢

木香

沉香

甘草

各一錢

分爲十劑水煎隨病上下服

方歌

五香流氣治黃鮓流注結核也能瘰丁木茴沉殭霍草銀

花羌獨翹栝蒌

青蛇毒圖



青蛇毒生腿膝下長三寸結腫紫塊頭大尾細若此

青蛇毒

青蛇毒生腿肚下形長三寸紫塊殭腎與膀胱濕熱結急鍼蛇頭血出良

註

此證又名青蛇便生於小腿肚之下形長二三寸結腫紫塊殭硬憎寒壯熱大痛不食由腎經素虛膀胱濕熱下注而成蛇頭向下者毒輕而淺急刺蛇頭一半寸出紫黑血隨鍼孔擦拔疔散外敷離宮錠內服仙方活命飲加黃蘗牛膝木瓜亦有蛇頭向上者毒深而惡急刺蛇頭一二寸出紫黑血鍼孔用白降丹細條插八五六分外貼巴膏餘腫敷太乙紫金錠內服麥靈丹俟毒減退次服仙方活命

飲調和之若毒入腹嘔吐腹脹神昏衄躁俱為逆證

拔疔散 見齒部牙疔

離宮錠

仙方活命飲

麥靈丹 俱見腫瘍門

白降丹

巴膏

太乙紫金錠 見腹部脾發疽

接

骨

發

圖

接骨發生脛骨之不足後顯相接處初如胡桃腫似物打碎礮之狀兩足皆用



接骨發

接骨發如核桃形腿肚之下硬脹疼色紅漫腫宜速潰遲損筋
脈缺踵行

註

此證生於腿肚之下接骨之上脛骨與足後跟骨相接處
故名接骨發屬膀胱經濕熱凝結而成初如核桃其硬如
物打磕礪之狀急脹微疼色紅漫腫膿宜速潰遲則膿毒
損筋筋脈既傷腿缺踵行踵行者不能全足踐地惟恃足
指着力而行也始終內外治法俱按癰疽腫瘍潰瘍門

附陰疽圖

附陰疽生肉蹠之上尋紅腫如雞卵左右皆同



附陰疽

附陰疽發內踝上初如紅粟日增疼堅硬赤腫漸如卵三陰交會濕熱凝

註此證生於內踝骨之上三寸初如紅粟疼痛日增堅硬赤

腫漸如雞卵係三陰交會濕熱積聚而成始終內外治法俱按癰疽腫瘍潰瘍門但三陰交係純陰之穴收斂遲緩調養不可不慎